



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 429. Usque Ad Annum 483

**Fleury, Claude**

**August. Vind. [u.a.], 1759**

**VD18 90117816**

§. 20. Sessio quinta. Formula Fidei rejecta.

---

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

ut, ne quidem in ordine Presbyterorum  
 tolerandus est. Anatolius Constantino-  
 politanus, Maximus Antiochenus, Juve-  
 nalis Jerosolymitanus, & ceteri omnes  
 ejusdem Sententiæ fuere. Cecropius  
 Sebastopolitanus petiit, ut Regula illa, ne  
 valeant Leges Pragmaticæ, si Canonibus  
 adversentur, ad omnes Provincias exten-  
 deretur; idque, Concilio probante, de-  
 cretum est. Acta hæc duo singularia vi-  
 gesima Octobris data sunt.

Sæculum V.  
 A. C. 451.

§. XX.

*Sessio quinta. Formula Fidei rejecta.*

Sessio quinta Concilii Calcedonensis  
 undecimo Kalendas Nov. nempe 22. <sup>p. 566.</sup> 22. *Octobr.*  
 Octobr. celebrata est. Magistratus di-  
 xerunt: *docete nos, quid de Fide a vobis  
 decisum fuerit.* Tum Asclepiades, Dia-  
 conus Constantinopolitanus, legit Fidei  
 Formulam, quam Actis inferere Patribus  
 non placuit. Aliqui varia opponebant,  
 quos inter Joannes Germaniciensis dixit:  
*inepta est hæc Formula, dictetur alia.* Ana-  
 tolius Constantinopolitanus ad Conci-  
 lium dixit: *num placet Formula?* omnes  
 Episcopi, Romanis, & quibusdam Orien-  
 talibus exceptis, exclamarunt: *Formula  
 omnibus placet! hæc est Patrum Fides!  
 qui aliud credit, Hæreticus est. Anathe-  
 ma illis, qui aliud credunt! ejicite Nesto-  
 rianos!* Anatolius dixit: *num veri Fidei  
 For-*

Sæculum V. *Formula omnibus placuit?* Episcopi dixerunt: *placuit omnibus! aliud non credimus; est Fides Patrum! scribatur, Sanctam Mariam esse Matrem Dei! id Symbolo addatur!*

Legati Papæ dixerunt: *Si Epistola Beati Episcopi Leonis non consentitis, jubete, ut detur nobis Rescriptum; redibimus, & Concilium in Occidente agetur.* Magistratus: *si vobis videatur, Nos, & sex Episcopi ex Oriente, tres ex Asia, tres ex Ponto, tres ex Illyrico, tres ex Thracia, Archiepiscopus Anatolius, & Romani, in Oratorio Ecclesiæ congregiemur; tum, omnibus mature examinatis, indicabitur vobis, quid de Fidei Doctrina statutum fuerit.* Episcopi clamarunt: *Formula omnibus placuit! cumque viderent, Joannem Germaniciensem ad Magistratus propius accedere, exclamarunt: Nestorianos ejicite! Apage! Dei inimicos! Formula veri omnibus placuit, jubete, ut signa apponantur! qui non subscripserit, Hæreticus est! Spiritus Sanctus eam didavit! in hac hora omnes subscribant!*

Concilium  
Calcedo-  
nense.

Post repetitos similes clamores, Magistratus dixerunt: *Dioscorus dicere solebat; Flavianum deposui, quia assererat, duas esse Naturas. Formula duas Naturas loquitur.* Anatolius dixit: *Dioscorus non ob Fidem depositus fuit, sed quia Archiepiscopum Leonem excommunicavit,*  
&

& ter vocatus, venire recusavit. Ma-  
 gistratus: *an epistolam Archiepiscopi Leo-*  
*nis recipitis?* Episcopi clamarunt: *ita*  
*est, recepimus eam, & subscripsimus.* Er-  
 go, reposuerunt Magistratus, *quod Epi-*  
*stola continet, ponatur in Formula!* Epis-  
 copi: *non opus est alia Formula, nihil in*  
*ea deest, Doctrinam epistolæ confirmat,*  
*Archiepiscopus Leo eadem nobiscum cre-*  
*dit! eadem ac Cyrillus docuit; Cæle-*  
*stinus, & Sixtus, ea, quæ dixit Cyrillus,*  
*confirmarunt. Absit a Formula omnis*  
*dolus!* Magistratus: *acclamationes vestræ*  
*ad Imperatorem deferentur.* Simul No-  
 tarium Berenicianum mittunt ad Re-  
 giam.

Is, post brevem moram reversus, di-  
 xit: *Imperator jubet, ut ex Magistratum*  
*consilio Episcopi sex ex Oriente, ex Ponto*  
*tres, ex Asia tres, ex Thracia tres, ex Il-*  
*lyrico tres, cum Archiepiscopo Anatolio,*  
*& Romanis, in Oratorio Ecclesiæ coeant,*  
*& Fidem definiant, ita, ut omnes consen-*  
*tiant. Si hoc vobis non placet, singuli*  
*fidem suam per os Metropolitæ sui edicant,*  
*si nec istud lubet, scitote, Concilium in Oc-*  
*cidente celebrandum esse, quia hic in unam*  
*Fidem consentire detrectatis.* Postquam  
 adhucdum aliqui obstitissent, tandem om-  
 nium Episcoporum suffragiis decretum,  
 ut res per Mandatarios tractaretur. Ita-  
 que Magistratus Oratorium S. Euphemie  
 intra

Sæculum V.  
 A.C. 451.

p. 56a.

Sæculum V.  
A.C. 451.  
intrarunt, & cum ipsis Anatolius Constantinopolitanus, quatuor Legati, Pascasinus, Lucentius, Bonifacius, & Julianus Coanus; Maximus Antiochenus, Juvenalis Jerosolymitanus, Thalassius Cæsariensis, Eusebius Ancyranus; Quintillus, Atticus, & Sozon, Episcopi ex Illyrico; Diogenes Cyzicenus, Leontius Magnesiensis, Florentius Sardensis, Eusebius Doryleensis, Theodorus Tarsensis, Cyrus Anazerbensis, Constantinus Bostrensis, Theodorus Claudiopolitanus in Isauria, Francion, Sebastianus, & Basilius, Episcopi ex Thracia. Universim viginti duo Præsules.

p. 561.

## §. XXI.

*Fidei Formula approbata.*

Omnibus ad Fidem pertinentibus sapienter ponderatis, Magistratus, & Episcopi ex Oratorio processerunt, cunctisque confidentibus, Magistratus dixere: *placeat Sacro Concilio in silentio audire, quæ, nobis præsentibus, de Fide definita fuere.* Tum Aetius, Archidiaconus Constantinopolitanus, Fidei Formulam, Concilii nomine scriptam, recitavit. In Exordio Symbolum Nicænum, & Constantinopolitanum ad litteram referuntur. Deinde dicitur: *Hoc Symbolum ad perfectam Religionis cognitionem sufficiebat; cum vero veritatis inimici nova vocabula*

p. 564.

p. 565.